

perpetuus Cartesii Sectator clariùs eâ in re mentem suam
expresfit, quando omnem Belluarum motum omnesqve
actiones ad mechanicam partium dispositionem retulit,
hinc toties Bruta vocavit Automata. *In Institutionibus suis
Philosoph. Part 7. Artic. 18. num. 5. ita expresse differit: Dico in
Brutis Animantibus præter organorum dispositionem & corpo-
ris figurationem nullam Animam dari. Adeo ut omnes motus,
qui in eis peraguntur à solo Spirituum influxu & organorum
debitâ compositione dependeant. Nam omnes illæ actiones non
aliæ videntur esse, quàm quæ in Automato aut machinâ fieri
possunt.* Immo eò prolabitur dictus Autor, ut multa quoq;
nostrarum Actionum concinnæ ejusmodi Harmoniæ ac
dispositioni adscribat. Hanc in gratiam adducit potissi-
mum respirationem, cordis motus, ciborum digestio-
nem & alia. Unico Exemplo rem exactè declarare vult
tenax ille Cartesianus: Quando quis de summo cacumine
deorsum præceps ruit, ac manus obvertit in præsidium
corporis ac imprimis in tutelam capitis, ne fortè ex peri-
culoso lapsu artificiosa structura capiat damnum: Hanc
manuum demissionem operâ sensuum fieri pernegat, quin
talia ferè omnia invitâ sæpè an imâ aut saltem non adver-
tente peragi, asserit. Existimat potius aspectum immi-
nentis lapsus ad cerebrum pervenientem, Spiritus anima-
les ad nervos transmitters, qui brachiis & manibus mo-
vendis inserviunt. Ut paucis dicam: Hûc singula tendunt
Le Grandii monita, ut omnem Brutis sensum adimat. Quam
in rem scripsit quoqve *Dissertationem De Carentia Sensus
& Cognitionis in Brutis*, ubi fusè demonstrare nititur, quâ
ratione fiat, ut Bruta habeant oculos & tamen non vi-
deant; ut sint instructa auribus & sonos non percipiant;
naribus gaudeant & non odorentur; lingvis utantur
& sapes non discernant. Hinc concludit iterum in dicto